

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 228978 23 St
Zenica, 7.11.2024. godine

Općinski sud u Zenici, stečajni sudija Samra Spahić-Drino, u stečajnom postupku nad imovinom stečajnog dužnika Privredno društvo „IPON BAU“ d.o.o. Zavidovići- u stečaju, sa sjedištem na adresi Maršala Tita broj 7, Zavidovići, matični registarski broj subjekta upisa 43-01-0095-12, odlučujući o prijedlogu za zaključenje stečajnog postupka koji je podnesen od strane stečajnog upravnika, nakon ročišta održanog 6.11.2024. godine, kojem je prisustvovao stečajni upravnik, dana 7.11.2024. godine, donio je:

R J E Š E N J E

Zaključuje se stečajni postupak nad imovinom stečajnog dužnika Privredno društvo „IPON BAU“ d.o.o. Zavidovići, ulica Maršala Tita broj 7, Zavidovići, nakon namirenja povjerioca općeg isplatnog reda u iznosu od 973,80 KM, što u procentu iznosi 100 %.

Ovo rješenje objavit će se u „Službenim novinama F BiH“, a dostava se smatra izvršenom istekom pet dana od dana oglašavanja istog.

Pravne posljedice zaključenja stečajnog postupka nastupaju u roku od osam dana od dana objavljivanja rješenja u "Službenim novinama Federacije BiH".

Po pravosnažnosti rješenja o zaključenju stečajnog postupka, naređuje se brisanje stečajnog dužnika iz registra privrednih društava kod Općinskog suda u Zenici, koji je upisan pod MBS: 43-01-0095-12 i svih javnih registara.

O b r a z l o ž e n j e

Rješenjem ovog suda broj: 43 0 St 228978 23 St od 04.12.2023. godine otvoren je stečajni postupak nad imovinom stečajnog dužnika Privredno društvo „IPON BAU“ d.o.o. Zavidovići.

Podneskom od 18.9.2024. godine stečajni upravnik je predložio zakazivanje ročišta za završnu diobu, jer je unovčio cjelokupnu imovinu stečajnog dužnika te je dostavio prijedlog za završnu diobu, prema kojem se stečajni povjerilac Uprava za indirektno oporezivanje RC Sarajevo iz višeg isplatnog reda namiruje u cjelosti za prijavljeni izno potraživanja od 973,80 KM.

Rješenjem od 1.10.2024. godine data je saglasnost za završnu diobu i zakazano ročište za završnu diobu za srijedu 6.11.2024. godine. Stečajni upravnik je na ročištu za završnu diobu izjavio da je u saradnji sa Upravom za indirektno oporezivanje RC Sarajevo izvršio namirenje ovog stečajni povjerioca u visini od 973,80 KM, o čemu je u spis predao uplatnicu na iznos od 973,80 KM od 03.10.2024. godin. Dalje je naveo da je preostali iznos na računu stečajnog dužnika i depozitnom računu suda, i to iznos od 2.429,20 KM (ostatak preostao od uplate na ime troškova stečajnog postupka i od unovčene stečajne mase stečajnog dužnika), dovoljan da se namire troškovi stečajnog postupka i dugovi stečajne mase u cjelosti tako da smatra da su ispunjeni svi uslovi da se donose rješenja o zaključenju stečajnog postupka i po pravosnažnosti da se stečajni dužnik briše iz sudskog registra privrednih društava kod Općinskog suda u Zenici.

Kako je stečajnom upravniku data saglasnost za završnu diobu i kako je stečajni upravnik izvršio namirenje povjerioca Upravom za indirektno oporezivanje RC Sarajevo u cjelosti, o čemu je sudu dostavio dokaz uplatnicu od 3.10.2024. godine, te izjavio da se iz preostalog iznosa mogu namiriti

troškovi stečajnog postupka, kao i dugovi stečajne mase, da na prijedlog za završnu diobu nije bilo prigovora povjerioca i kako je izvršena podjela sredstava predviđenih za istu, te kako je prijedlog za zaključenje stečajnog postupka osnovan, sud je u skladu sa članom 190. i 204. Zakona o stečaju („Službene novine F BiH”, broj: 53/21) donio rješenje kao u izreci.

PRAVNA POUKA:

Protiv ovog rješenja stečajni povjerilac i stečajni dužnik imaju pravo žalbe, u roku od 8 dana od dana objavljivanja u „Službenim novinama F BiH“, Kantonalnom sudu u Zenici putem ovog suda.

Stečajni sudija

Samra Spahić-Drino